

Uunga siunnersuut: Nunalerinermik inuussutissarsiuuteqarnermik siuarsaaneq pillugu Inatsisartut inatsisaat*Inuussutissarsiutinik siuarsaaneq piginnaatitsissullu*

§ 1. Aningaasaliissutit, ukiumut aningaasanut inatsisit aqputigalugit immikkoortinneqartartut iluanniit, Naalakkersuisut Inatsisartut inatsisaanni siunertaasut iluanni suliassanut taarsigassarsiatut imaluunniit toqqaannartumik tapiissutitut ilusilimmik, inuussutissarsiuutigalugu nunalerinermut inuussutissarsiutinut siuarsaanermut ikiorsiisinnaapput:

- 1) nunalerisut ingerlatsinermi aningaasaqarnerinut pitsannguisinnaasunut aammalu
- 2) Kalaallit Nunaanni siunissamut ungasissumut piujuartitsiviusumik tunisassiulernissamut imminullu pilersornermik annertusititseqataasinnaasunut.

§ 2. Inuussutissarsiornermut siursaanissamut aningaasaliissutiniit tunniunneqarsinnaapput:

- 1) Taarsigassarsiat erniallit.
- 2) Taarsigassarsiat erniaqanngitsut akilersugassaanningsullu.
- 3) Toqqaannartumik tapiissutit.
- 4) Nr. 1-3 ataqatigiisillugit.

Imm. 2. Naalakkersuisut inuussutissarsiornermik siursaanissat ataatsimoortitsiviusut aamma nammineerluni akiligassat pillugit maleruagassanik aalajangersaasinnaapput.

Atuuffissaa

§ 3. Naalakkersuisut inunnt imaluunniit ingerlatseqatigiiffinnut, Kalaallit Nunaanni nunalerinermik ingerlatsinissamut pisinnaatitaaffeqartunut inuussutissarsiornermut siursaatiniq tunniussisinnaapput.

Imm. 2. Inuussutissarsiuutigalugu nunalerinermik ingerlatsinermi siunertat suliassallu uku aningaasalersornissaannut inuussutissarsiutinik siursaatiniq tunniussivigineqarsinnaapput:

- 1) Illut inuussutissarsiorfiusut.
- 2) Nammineerluni illuliat aamma inissiisarfitillat illuliat.
- 3) Nukissiuutit.
- 4) Maskiinat atortullu allat.
- 5) Iluarsaassinerit.
- 6) Nersutaateqarneq.
- 7) Ingerlatsinermut taarsigassarsiat.

- 8) Nunagissaanermi suliassat.
- 9) Pilersitsinerit kinguaariillu nikinneri.
- 10) Suliassat suliniutilluunniit allat, Kalaallit Nunaanni nunalerinermik ineriartortitsinermut sunniuteqarluarsinnaasutut naliliiffigineqartut, taakkunungalu ilaatinneqarput:
 - a) Ilinniaqqinnerit.
 - b) Nerukkaariaatsinik, naatitseriaatsinik piaqqiortitseriaatsinillu nutaanik misileraanermut peqataanerit.

Imm. 3. Naalackersuisut pisuni immikkut ittuni inuussutissarsiummik siuarsaanermut aningaasaliissutinik aappaasumut inooqataasumulluunniit ikiortaasumut tunniussisinnaapput.

Nassuiaassutit

§ 4. Inatsisartut inatsisaanni matumani “nunalerineq” nunaminertanik naasunik, naatitanik, nersutinut tunisassiornermi atorneqartunut ivigartorfissanik kinguaassiorfissanillu, kiisalu immami uumassusilinnik naatitsinermut atuinertut paasineqassaaq aamma uumasuutigisat meqqunik, amernik, kukinnik il.il. atorluaanerit ilanngullugit.

Imm. 2. Inatsisartut inatsisaat matumani “inuussutissarsiuutigalugu” inuussutissarsiuutip inuussutissarsiuutit pingaarnertut ingerlanneqarneratut paasineqassaaq,

Imm. 3. Imm. 2 naapertorlugu inuussutissarsiuutigineqartutut taaneqarsinnaanissaannut aammattaaq piumasaqaatit minnerpaaffissaat makkununga atuupput:

- 1) Savanik erniortitsineq pingaarnertut tunisassiorfigineqarpat, savaatit piaqqiortut ikinnerpaamik 400-ussapput.
- 2) Nersussuarnik erniortitsineq pingaarnertut tunisassiorfigineqarpat, nersussuit piaqqiortut ikinnerpaamik 150-iussapput.
- 3) Nerukkaatissanik tunisassiorneq pingaarnertut tunisassiorfigineqarpat, nunaminertaq naatitsiffiusoq minnerpaamik 15 ha-nik annertussuseqassaaq.
- 4) Naatitanik tunisassiorneq pingaarnertut tunisassiorfigineqarpat, nunaminertaq naatitsiffiusoq minnerpaamik 5 ha-nik annertussuseqassaaq.
- 5) Tuttuuteqarneq pingaarnertut tunisassiorfigineqarpat, tuttuut piaqqiortut minnerpaamik 300-ussapput.

Imm. 4. Ingerlatsiviusup ingerlanneqarnerani pisariaqartitsisoqartoq naliliisoqarpat, Naalackersuisunit imm. 2-mi piumasaqaatit saneqqunneqarsinnaapput.

Imm. 5. Naalackersuisut imm. 2-mi taaneqartut saniatigut tunisassiorfiusunut allanut tunisassiat minnerpaaffissaannut piumasaqaatinik aalajangersaasinnaapput.

Imm. 6. Naalackersuisut tunisassiorfimmi minnerpaaffissatut piumasaqaatit nunalerinermik aallartitseqqinnermut, tigusinermut pilersitsinermulluunniit atuuttussaanginnerinut maleruagassanik aalajangersaasinnaapput.

*Inuussutissarsiutinik siuarsaaneq pillugu qinnuteqaatinut ataatsimoortumik
aalajangersakkat*

§ 5. Naalackersuisut inuussutissarsiutinik siuarsaanermut ikiorsiisoqarsinnaanersoq aalajangiisinaanissaannut, inuussutissarsiummik siuarsaanermut aningaasaliissutinik qinnuteqartup piumasaqaatit uku naammassissavai:

- 1) Inersimasunnngorsimaneq,
- 2) nunalerivimmik pioreersumik ingerlatsineq, imaluunniit nunalerivimmik tigusiniarluni sulissuteqarneq imaluunniit nutaamik aallarnisaaneq,
- 3) suliassap inuussutissarsiummik siuarsaanissamut qinnuteqaassutaasup nunalerinermik siuarsaanermut pitsanngorsaaneq iluaqutigineqarnissaanik uppersaaneq,
- 4) suliassap inuussutissarsiummik siuarsaanissamut qinnuteqaassutaasup nunalerivimmi aningaasaqarnermut iluaqutigineqarnissaanik uppersaaneq, aamma
- 5) suliassap teknikkikkut illersorneqarsinnaanerani uppersaaneq.

§ 6. Inuussutissarsiummik siuarsaanissamut qinnuteqaatip suliarineqarnerani qinnuteqaat ataatsimut naliliiffigineqassaaq, tassanilu ilaatigut inuussutissarsiutinik siuarsaanissamut taarsigassarsiarititat taarserneqarsinnaanerisa, imaluunniit inuussutissarsiutinik siuarsaanermut aningaasaliissutit tapiissutit tunniunneqarneri qinnuteqartup imminut pilersornissamut periarfissanik angusaqarnissaanut iluaqutigineqarsinnaanerisa uppersarneqarnissaa pingartinneqassaaq.

Imm. 2. Inuussutissarsiutit siuarsarnissaanut qinnuteqaat allakkatigut tunngavilersorlugu Naalackersuisunut nassiunneqassaaq, tassungalu ilanngussassat uku ilaliunneqassapput:

- 1) Qinnuteqartup suliatigut piginnaasaqarfiinut uppersaat.
- 2) Ingerlatsinermut missingersuutit, missingersuutinut naatsorsuutigisanik ilaqartinneqartut.
- 3) Nunalerinermut ukiunut pingasunut ukiumoortumik naatsorsuutit.
- 4) Qinnuteqartup pigisaasa nalillit allattorsimaffiat, taakkununga pisussaaffinnut pioreersunut akilersuinissamut piumasaqaatit ilanngullugit, takuuk imm. 3.
- 5) Nunaminertamik atugassiinermut oqartussaasuniit nalunaarut, kiisalu pisortanit akuersissutit akuersinerillu allat, suliassap ingerlanneqarnissaanut isumaqartut Inatsisartut inatsisaat manna naapertorlugu inuussutissarsiutinik siuarsaanermut aningaasaliissutinik tunniussinermi tunniunneqarsinnaapput.
- 6) Nammineerluni akiliutissanik akiliinissamut qinnuteqartup periarfissaannut uppersaat.
- 7) Qinnuteqartup suliami imaluunniit siunertami, inuussutissarsiutinut siuarsaanissamut aningaasaliissutinik qinnuteqaateqarfigisaani ingerlatsinissamut piumasaqaatinik allanik naammassinninneranut uppersaat.

Imm. 3. Imm. 2, nr. 4 naapertorlugu naliliinermi qinnuteqartup piffissami qinnuteqarfiusumi aningaasaqarnera tunngavigineqassaaq. Pissutsit piumasaqaateqarfiusut, tassungalu

sillimmasiinermit suliami, eqqartuussivimmi suliami allamilu inaarutaasumik aalajangiinerit ilanngullugit, aalajangiisoqarsimatinnagu naliliinermut ilaatinneqassanngillat.

Imm. 4. Naalakkersuisut paasissutissanik amerlanerusunik, suliamut atorneqartussanik naleqquttunik amerlanerusunik piunasaqarlutik naliliinermi tunngavissat, takuuk imm. 2, ilasinnaavaat.

Imm. 5. Naalakkersuisut qinnuteqarnissamut iserfissiamik digitaliusumik pilersitsisinnaapput, imaluunniit qinnuteqarnissamut immersugassamik, Inatsisartut inatsisaat naapertorlugu qinnuteqarnermut atorneqarsinnaasumik suliaqarsinnaallutik.

Imm. 6. Qinnuteqartoq pisussaavoq, aningaasaqarnerminut tunngasunik, qinnuteqaatip suliarineqarneranut pingaaruteqarsinnaasunik annertuunik allannguuteqartoqartillugu, erngerluni tamanna pillugu Naalakkersuisunut nalunaaruteqarnissamut.

Atorunnaarsitsineq, utertillugit akiliisarneq atugassarititaasullu

§ 7. Inuit ingerlatseqatigiiffiilluunniit Inatsisartut inatsisaat manna, imaluunniit taanna naapertorlugu aalajangersakkat aalajangersarneqarsimasut naapertorlugit inuussutissarsiummik siuarsaanermut taarsigassarsianik tapiissutinilluunniit tunngavissaqaanngitsumik pissarsisimatillugit, Naalakkersuisut inuussutissarsiummik siuarsaanermut taarsigassarsianik atorunnaarsitsinissamik aamma tapiissutit taarserneqarnissaannik aalajangiisinnaapput.

Imm. 2. Inuussutissarsiummik siuarsaanissamut aningaasaliissutinik pissarsisoq pisussaavoq, taarsigassarsianik imaluunniit tapiissutinik tiguisumi aningaasaqarnikkut pissutsit pissutsilluunniit allat nunalerinerup ingerlaannarneranut isumallit, kiisalu pissutsit taarsigassarsinermut tapiiffiqineqarnermullu piunasaqaataasut, imaluunniit Inatsisartut inatsisaat manna naapertorlugu maleruagassat aalajangersarneqartut annertuumik allannguuteqarpata Naalakkersuisunut nalunaaruteqassalluni.

Imm. 3. Pissutsit imm. 2-mi taaneqartut pillugit Naalakkersuisunut nalunaaruteqartoqanngippat, tamanna sumiginnaanertut isigineqassaaq, aammalu Naalakkersuisut inuussutissarsiummik siuarsaanermut taarsigassarsiat atorunnaarsinneqassasut, tapiissutillu taarserneqassasut pillugit aalajangiisinnaalissapput.

§ 8. Naalakkersuisut Inatsisartut inatsisaata matuma atorneqarnissaanut maleruagassanik aalajangersaasinnaapput, taakkunungaluk uku pillugit maleruagassat ilaatinneqarput:

- 1) Akilersuineq, piffissaq akilersuiffiusoq, appaaneq, isumakkeerineq, erniat, akiligassallip taarsernera, allanngineq, aningaasaleeqqinneq, akilersuutissanut tapiissutit aamma taarsigassarsianut qularnaveeqqutit.
- 2) Qinnuteqartunut suliaasnullu ilinniartitaanikkut, aningaasaqarnikkut teknikkikkullu piunasaqaatit.

3) Siunertanut imaluunniit suliassanut, § 3, imm. 2, nr. 1-10-mi allassimasunut inuussutissarsiummik siuarsaanissamut piumasaqaatit immikkut ittit.

Imm. 2. Naalakkersuisut inuussutissarsiummik siuarsaanissamut neriorsuuteqarnissamut piumasaqaatinik immikkut ittunik aalajangersaasinnaapput, taakkununggalu uku ilaatinneqarput:

1) Nalunaarusiortussaataaneq.

2) Piaqqiortitsinerni pilersaarutitut suleqataaneq, aningaasartuutitut akilikkanut uppersaateqarnissamut piumasaqaateqarneq, kiisalu pissutsit allat, Inatsisartut inatsisaanni matumani Naalakkersuisullu nunalerinermut periusissiaanni siunertanik naammassinnitsitseqataasut.

§ 9. Naalakkersuisut Inatsisartut inatsisaat manna, maleruagassalluunniit taanna naapertorlugi suliarineqartut naapertorlugit suliassanik aqutsinermik pisortani oqartussaasunut allanut sullissivimmulluunniit namminersortumut suliakkiisinnapput.

Imm. 2. Suliassat sullissivimmut namminersortumut suliakkiissutigineqassappata, pisortat ingerlatsineranni suliassat suliarineqartarnerat pillugu Inatsisartut inatsisaat aamma pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat sullissiviup suliassaqaarfimmi pineqartumi aqutsinermut atorneqassapput.

Ikaarsaarnermut atuutsitsilernermullu aalajangersakkat

§ 10. Inatsisartut inatsisaat manna 1. januaari 2025-mi atuutilerpoq, taamaattoq takuuk imm. 3.

Imm. 2. Tamatuma peqatigisaanik nunalerinermik inuussutissarsiornerup siuarsarneqarnissaa pillugu Inatsisartut inatsisaat nr. 6, 2. december 2009-meersoq atorunnaarsinneqarpoq.

Imm. 3. § 4, imm. 3-4 1. januar 2030 atuutilissapput.

Imm. 4. Inuussutissarsiutinut tapersiisarneq pillugu Inatsisartut inatsisaat nr. 4, 20. november 1984-imeersoq aamma aalisarnermut, piniarnermut nunalerinermullu tapersiissutit pillugit Inatsisartut peqqussutaat nr. 10, 12. november 2001-imeersoq, kiisalu nunalerinermik inuussutissarsiornerup siuarsarneqarnissaa pillugu Inatsisartut inatsisaat nr. 6, 2. december 2009-meersoq naapertorlugit akiligassat suli ingerlasut aalajangersakkat, tapersiissutit taarsigassarsiallu tunniunneqarnerini atuuttut naapertorlugit aqunneqassapput.

Namminersorlutik Oqartussat, ulloq xx. xxx 2024

Naalakkersuisut Siulittaasua